

Облыс әкімдігінің кейбір актілері туралы

Ақтөбе облыстық әкімдігінің 2011 жылғы 13 қыркүйектегі № 291 қаулысы. Ақтөбе облысының Әділет департаментінде 2011 жылғы 29 қыркүйекте № 3375 тіркелді.

"Қазақстан Республикасындағы жергілікті мемлекеттік басқару және өзін-өзі басқару туралы" Қазақстан Республикасы Заңының 27-бабына, Қазақстан Республикасының Су кодексінің 39-бабының 2-1) тармақшасына, Қазақстан Республикасының Экологиялық кодексінің 223-бабына сәйкес, Ақтөбе облысының әкімдігі ҚАУЛЫ ЕТЕДІ:

Ескерту. Кіріспе жаңа редакцияда - Ақтөбе облысы әкімдігінің 08.08.2022 № 261 қаулысымен (алғашқы ресми жарияланған күнінен кейін күнтізбелік он күн өткен соң қолданысқа енгізіледі).

1. "Ақтөбе қаласының әкімшілік-аумақтық шегінде Елек өзенінде суды қорғау аймақтары мен белдеулерін белгілеу туралы" облыс әкімдігінің 2008 жылғы 1 сәуірдегі № 88 қаулысына (нормативтік құқықтық актілердің мемлекеттік тіркеу тізілімінде № 3248 болып тіркелген, "Ақтөбе", "Актюбинский вестник" газеттерінде 2008 жылғы 6 мамырда жарияланған) мынадай өзгерістер мен толықтыру енгізілсін:

көрсетілген қаулының кіріспесінде:

"мемлекеттік басқару" деген сөздерден кейін "және өзін-өзі басқару" деген сөздермен толықтырылсын;

1 тармағында "көрсетілген сызбаға" деген сөздерден кейін "(1 қосымша)" деген сөздермен толықтырылсын.

2 тармағында "департаменті" деген сөз "басқармасы" деген сөзбен ауыстырылсын;

3 тармағында 3 абзацы мынадай редакцияда жазылсын;

"Елек өзенінде су қорғау аймақтары мен белдеулерін шаруашылыққа пайдалану режимі 2 қосымшасына сәйкес Ақтөбе қаласының әкімшілік-аумақтық шегінде сақталсын";

Осы қаулыға қосымшаға сәйкес 2 қосымшамен толықтырылсын.

2. Облыс әкімдігінің мына қаулыларының күші жойылды деп танылсын:

"Облыс аумағында суды қорғау аймақтары мен белдеулерін белгілеу туралы" 2005 жылғы 20 қыркүйектегі № 330 (нормативтік құқықтық актілердің мемлекеттік тіркеу тізілімінде № 3161 болып тіркелген, "Ақтөбе", "Актюбинский вестник" газеттерінде 2005 жылғы 27 қазанда жарияланған);

"Облыс әкімдігінің 2005 жылғы 20 қыркүйектегі № 330 "Облыс аумағында суды қорғау аймақтары мен белдеулерін белгілеу туралы" қаулысына өзгерістер мен толықтыру енгізу туралы" 2010 жылғы 27 қыркүйектегі № 296 (нормативтік құқықтық

актілердің мемлекеттік тіркеу тізілімінде № 3345 болып тіркелген, "Ақтөбе", "Актюбинский вестник" газеттерінде 2010 жылғы 19 қазанда жарияланған).

3. Осы қаулы алғаш ресми жарияланғаннан кейін күнтізбелік он күн өткен соң қолданысқа енгізіледі.

4. Осы қаулының орындалуын бақылау облыс әкімінің бірінші орынбасары І. Қ. Өмірзақовқа жүктелсін.

Облыс әкімі

А. Мұхамбетов

Облыс әкімдігінің
2011 жылғы 13 қыркүйектегі
№ 291 қаулысына қосымша

Ақтөбе қаласының әкімшілік-аумақтық шегінде Елек өзенінде су қорғау аймақтары мен белдеулерін шаруашылыққа пайдалану режимі

1. Су қорғау аймағы шегінде мыналарға:

су объектілерін және олардың су қорғау аймақтары мен белдеулерін бітелу мен ластанудан сақтайтын құралдармен және құрылғылармен қамтамасыз етілмеген, жобалау, салу, жаңа және жаңғыртылмаған объектілерді іске қосуға;

тыңайтқыштар, пестицидтер, химиялық улы заттар мен мұнай өнімдерін сақтайтын қоймаларды, автокөлік және ауыл шаруашылығы техникасына техникалық қызмет көрсету мен жуу пункттерін, механикалық шеберханаларды, қоқыс пен өнеркәсіп және шаруашылық-тұрмыстық қалдықтарды төгетін құрылғыларды, өлген малдар көмілетін ұраларды, аппаратураларды пестицидтермен және химиялық улы заттармен толтыратын алаңдарды, авиациялық-химиялық жұмыстар жүргізуге арналған ұшу-қону алаңқайларын орналастыру мен құрылысын салуға, сондай-ақ судың сапасына кері әсер ететін басқа да объектілерді орналастыруға;

құрылыс, су түбін тереңдету және жарылыс жұмыстарын атқару, пайдалы қазбаларды өндіру, кабель, құбыр және басқа да коммуникацияларды өткізу, белгіленген тәртіппен мемлекеттік орган су қорын пайдалану және қорғау саласындағы қоршаған ортаны қорғау, жергілікті атқарушы органдармен келісілген бұрғылау, ауыл шаруашылығы және өзге де жобасы жоқ жұмыстар жүргізуге;

халықтың санитарлық-эпидемиологиялық салауаттылығы саласындағы органдары, су ресурстары басқармасы, қоршаған ортаны қорғау саласындағы уәкілетті органдарының аумақтық құрылымдарымен, жергілікті атқарушы органдардың келісімінсіз су көздеріндегі су жиегінен 2000 метрге дейінгі орналасқан ауыл шаруашылығы дақылдары мен егілген ағаштарды химиялық улы заттармен авиациялық өңдеу және авиациялық жолмен минералды тыңайтқыштармен қоректендіру тәсілдерін органикалық және минералды тыңайтқыштар, улы химикаттар мен пестицидтер қолдануға;

малды тоғыту мен санитарлық өңдеу және судың гидрохимиялық құрамын нашарлататын басқа да шаруашылық қызметін жүргізуге жол берілмейді.

2. Су қорғау белдеулерінің 1 тармағын толықтыру шегінде мыналарға:
жер жыртуға, мал бағуға, тал-теректерді кесуге;
палаталы қалашықтар, автотұрақтар, малдың жазғы лагерлерін жасауға;
су ұстайтын, су реттейтін, қорғаныс және басқа да арнайы мақсаттарға арналған құрылғылардан басқа ғимараттар мен құрылғылар салуға;
жеке тұрғын үй салу үшін жер учаскесін бөлуге және саяжайлар мен ұжымдық бақтар үшін жер беруге;
жекелеген учаскелерді шалғындандыруға, егін егуге және ағаш отырғызуға арналған жерлерді өңдеуді қоспағанда, топырақ және өсімдік қабатын бұзатын жұмыстарды жүргізуге;
су қорғау аймақтары мен белдеулерінде суаттардың ластануына жол бермейтін құрылғылармен қамтамасыз етілмеген қолданыстағы нысандарды пайдалануға жол бермейді.